


NDIPO MASO

GHAWO GHAKAJURIKA

NDIPO IWO WAKAMUMANYA IYO

 Mu Ivangeli la Luka Mutuŵa, ndipo kuyambira na chipatulo 24 ndipo vesi sate...vesi 31, panji ine ndiyowoyenge kuti vesi 30 la chipatulo 24.

Ndipo kukachitika kuti, apo iyo wakakhala pa chakurya na iwo, ndipo iyo wakatora chingwa, ndipo wakatumbika ichi, ndipo wakamenya ichi, ndipo wakapereka kwa iwo.

Ndipo maso ghawo ghakajurika, ndipo iwo ŵakamumanya iyo; ndipo iyo wakazgeŵerékera ku maso ghawo.

Ndipo iwo ŵakayowoya yumoza kwa munyake, Kasi mitima yithu yagoleranga yayi mkati mwithu, apo iyo wayowoyanga na ise, munthowa, na apo iyo wangutijurira malemba?

² Ndipo nkhuromba Fumu yisazgireko thumbiko Lake. Mutu wane uŵenge, usange ine ningauchema uwu usiku uwu: *Ndipo Maso Ghawo Ghakajurika Ndipo Iwo Wakamumanya Iyo.* Sono kwawotcha, kweni ine nkhuromba kuti imwe muzizipizge waka mwakujikora umo imwe mungachitira, pa nyengo zichoko waka, ndipo ine ndiyezgenge kufulumira. Kweni sono ise tikukhumba kuti tilaŵiske mwantchindi pa Mazgu, Mazgu ghakuziziswa gha Chiuta. Ndipo ise tikuromba kuti Chiuta, mu nthowa yinyake, wajurenge maso githu usiku uwu.

³ Usange Isitara ndi chikondwerero waka cha chakuchitika chakale, ndipo icho pera, nthoura ise tiri na chifukwa chichoko chakuti tikayikire, ise tiri na chifukwa chichoko chakuti tifumbepo, chifukwa ichi mbwenu chilekekenge pa ghanoghano lakuchindikika la kutoranga waka mazgu. Ndipo usange Khristu wakapangenge yayi mapangano agho Iyo wakachita, nthoura ise nateso nthena, nthena tilije ukaboni uwo ise tiri nawo.

⁴ Kweni Fumu yithu yakutumbikika yikayowoya, para Iyo wakawā pano pacharu chapasi, “Kanyengo kachoko, ndipo charu chindiwonengeso yayi Ine.” Sono lizgu ilo apo lakuti *charu*, likufuma ku “dongosolo la charu, ŵanthu ŵa charu chapasi.” “Charu chindiwonengeso yayi Ine. Kweni imwe mudiwonenge Ine, pakuti Ine ndiŵenge na imwe, nanga ndi

mwa imwe, kufika ku umaliro wa charu.” Sono, Mazgu agho nganeneska waka ngati Mazgu ghanyake agho ise tayowoya mu sabata iyi, kufuma mu Baibolo, nganeneska waka ngati Mazgu ghanyake ghalighose mu Baibolo. “Kanyengo kachoko, ndipo charu chindiwonengeso yayi Ine. Iwo maso ghawo ghazamkujurika yayi.” W̄aliko w̄anthu awo w̄ali kubabika mu charu, nthā mwa khumbo la Chiuta, kweni mwa kusankha kwa kukhumba kwa iwoŵene w̄amugomezgenge yayi Iyo usange Iyo wakayimirenge nkhanira muno kuyowoyanga kwa imwe usiku uwu. Ndi chachitima kuyowoya, kweni Baibolo likayowoya kuti, “Iwo w̄akababika mu charu ichi, kuruta ku kususkika uku,” Yuda, ndipo pafupifupi vesi 3.

⁵ Sono, kweni kwa imwe, usiku uwu, imwe mwafika ndipo muli mu chipinda, ndipo mwazurana pamoza mu nyumba yichoko yakotcha ngati iyi, imwe nthā mwafika kuti w̄zakamuwoneni. Imwe mwafika pa chakulinga chinyake. Ndipo, ku kulingalira kwane, imwe mwafika na chisimikizgo cha mtima winu, kuti muyende kufupi na Chiuta, kuti murute pakufuma muno, usiku uwu, munthu muwemiko kuruska umo imwe mwanguw̄ira para imwe mwizanga. Icho ndicho ine nanguromba apo ine nanjiranga pa muryango, usiku uwu, “Fumu, mundipange ine munthu muwemiko para ine nkhuŵuma, usiku uwu, kuruska umo ine ndiliri apo ine nkhuŵira.” Sono para Iyo . . .

⁶ Pambere kundachitike kuruta Kwake, Iyo wakayowoya mtundu uwu wa mazgu. Iyo wakati, “Iyo uyo wakugomezga pa Ine . . .” Yohane Mutuŵa, chipatulo 14, vesi 7. “Iyo uyo wakugomezga pa Ine, milimo iyo Ine nkhuŵita wazamuchita nayoso; yinandi kuruska iyi iyo wazamuchita, pakuti Ine nkhuŵita ku W̄adada W̄ane. Ine nkhuŵita, ndipo namkwizaso.”

⁷ Sono ise tifufuzenge milimo iyo Iyo wakachita. Milimo iyo Iyo wakachita? Iyo nthā wakayowoya kuti wakaŵa munthu mukuru, Iyo wakaŵa waka Munthu wakujikhizga. Iyo nthā wakayowoya na mazgu ghanyake ghapachanya, Iyo wakayowoya waka ngati Munthu wamba. Iyo wakakhalanga pakati pa w̄akavu, “w̄akambwe w̄akaŵa na makuluru, ndipo tuyuni tukaŵa na vivwimbo, kweni Iyo wakaŵavye malo ghakuti wagonekepo mutu Wake.” Iyo wakaŵa na chakuvwara chimoza, icho chikapika kwa Iyo, “ichi chikaŵa chakuchita kuruka, chambura musono mu ichi.”

⁸ Ndicho chifukwa iwo w̄akalimbirana ichi. Ntchifukwa uli kukachitika nthēura? Chifukwa uchimi wa Chipangano Chakale ukayenera kuti ufiskike, “Iwo w̄akagaŵana malaya Ghane, w̄akachita mayere chifuwa cha chakuvwara Chane.” Nthēura iwo w̄akatondeka kupalura ichi kwizira mu musono, iwo w̄akayenera kuchita mayere pa ichi, ndipo kula kukaŵa kukwaniriska uchimi wa Chipangano Chakale.

⁹ Kweni ise tiwonenge, mu nyengo zichoko waka, kasi Iyo wakachita vichi? Ndipo ine nkhuomezga, usiku uwu, ndi njara ya uliwose wa mitima yithu, kufuma ku muchoko chomene kufika ku mulara chomene, usiku uwu, kuti timuwone Yesu Khristu. Ndi kukhumba kwa mtima wane. Ndipo ntchifukwa uli chiri ntheura? Usange ise tikuyowoya mwa Malemba . . .

¹⁰ Marediyo ghakupharazga ichi muhanyauno, matelevision ghaŵika pa mapulogiramu, madilama ghakanozgeka kuti “Iyo mulije umu, kweni Iyo wawuka!”

¹¹ Enya, ntheura, usange Iyo wawuka, Baibolo likayowoya, mu Ŵahebere 13:8, “Iyo ndi mweneyura mayiro, muhanyauno, na muyirayira.” Sono, apa ndipo ichi chiri, ŵabale. Uwo panji ndi Unenesko, panji uwu ntha ndi Unenesko. Kuti, usange uwo ndi Unenesko yayi, ipo Baibolo nditesi, ndipo ipo Mazgu ngatesi; ndipo ntheura ise tatayika, ndipo kulije chiwuka cha ŵakufwa, ndipo ise tikujipanga waka kugomezga. Kweni usange uwu ndi Unenesko, ipo Uwu ukwenera kuti ujikhozgere Iwowene.

¹² Usange imwe mukuti maji agha ghakuzumbwiska, ine nindaghawonepo maji nakale, imwe mukuthira agha pa ine, ndipo nkhuzebwa yayi, ipo ghinu—mazgu ghinu ngatesi, kweni usange imwe mwathira agha pa ine, ndipo agha ghazumbwiska, ipo mazgu ghinu nganeneska.

¹³ Usange Khristu ndi mweneyura mayiro, muhanyauno, na muyirayira, ipo Baibolo ndineneska. Usange Iyo ntha ndi mweneyura mayiro, muhanyauno, na muyirayira, ipo Uwu ndi unenesko yayi. Usange Mazgu gha Chiuta nganeneska yayi, ipo Khristu ndi muneneska yayi. Ipo, usange Mazgu gha Chiuta nganeneska yayi, Chiuta ndi muneneska yayi. Kweni, ntheura, usange Mazgu gha Chiuta nganeneska, ipo Baibolo ndineneska, Chiuta ndi muneneska, Khristu ndi muneneska, ndipo ise tikwenera kuŵa ŵaneneska ku Mlimo. Mbunenesko!

¹⁴ Sono, para Iyo wakaŵa pa charu chapasi, Iyo ntha wakuyowoya kuti wakaŵa muchiriski munyake mukuru. Kasi mbalinga ŵakumanya kuti Mwana wa Chiuta ntha wakayowoyapo kuti wakaŵa muchiriski? Nkhanira ndendende. Iyo wakati, “Ine ningachita chirichose yayi mwa Ndamwene, kweni icho Ine nkhuwona Ŵadada ŵakuchita. Ndine yayi uyo wakuchita milimo,” Iyo wakati, “ndi Ŵadada awo ŵakukhala mwa Ine. Iwo ndiwo ŵakuchita milimo.” Kasi ndi milimo ya mtundu uli Iyo wakachita?

¹⁵ Ise tikusanga mu Baibolo, uko munthu wakumanyikwa na zina lakuti Filipu wakaponoskeka. Ndipo iyo wakaruta ndipo wakasanga mubwezi, Nathaniel, kutali chomeniko, fote eyiti kilomitazi kuzingilira phiri. Iyo wakiza nayo kwa Yesu. Ndipo para iyo wakati wamusanga iyo, iyo wakaŵa musu mwa khuni, wakarombanga. Ndipo iyo wakati, “Zanga, wona Uyo ise tasanga: Yesu wa ku Nazarete, mwana wa Yosefe.”

Iyo wakati, “Kasi chingaŵako chinthu chiweme chingafuma mu Nazarete?”

Iyo wakati, “Zanga ndipo uwone.”

16 Uwo ndi ukaboni uweme chomene uwo ine nkhumanya. Ntha mungatoranga mazgu gha munthu munyake pa Ichi. Zanga, ujiwonere wamwene! Wakati, “Zanga ndipo uwone.”

17 Ndipo para iyo wakati wafika, Yesu wakayimirira mu mzere, panyake kuromberanga ŵanthu. Ndipo para Filipu wakati wafika, na Nathaniel, Yesu wakati, “Wonani mu Israel, mwa uyo mulije uheni!”

18 Iyo wakati, “Kasi Imwe mukanimanya pauli ine, Rabbi?” Ichi chikamuzukumiska iyo. “Kasi Imwe mukunimanya pauli ine?”

19 Iyo wakati, “Pambere Filipu wandakucheme iwe, para iwe ukaŵa musu mwa khuni, Ine nkhuwona iwe.” Makilomitazi fote eyiti, mu mapiri, kweni, “Ine nkhuwona iwe.”

20 Chira chikawoneska Icho Iyo wakaŵa. Iyo wakaŵa Chiuta wakusangika palipose; muprofeti waka yayi, kweni Chiuta Iyomwene kuwonekera mu thupi. Ndicho chifukwa Iyo wakamanya kuwugoneka uwu, umoyo Wake, pasi, kuwuwuskaso uwu.

21 Mwanakazi muchoko wakiza kuzakanegha maji dazi limoza. Ndipo Iyo wakayowoya kwa iyo, ndipo wakati, “Mwanakazi, nditorere maji Ine ndimwe!”

22 Mwanakazi wakati, “Ndi mwambo yayi kwa imwe Ŵayuda kuti mutifumbe ise, Ŵasamariya, chantheura. Ise tirije chakuchita yumoza na munyake.”

23 Iyo wakati, “Kweni usange iwe ukamumanyenge Uyo iwe ukuyowoyeskana nayo, iwe nthena wandiromba Ine ghakumwa. Ine mbwenu nikupenge Maji agho iwe nthu wangwizira kuno kuzakanegha.”

24 Ndipo iyo wakati, “Chisime ntchitali, Bwana. Imwe mulije chakuneghera, ndipo kasi Imwe mughasangenge nkhu Maji agha.”

25 Kasi Iyo wakachitanga vichi? Kuwukoranga mzimu wake. Ndipo para Iyo wakati wasanga ilo likaŵa suzgo lake, suzgo lake likaŵa lakuti iyo wakakhalanga mu chigoloro. Iyo wakaŵa na ŵanarumi ŵankhonde, ndipo wakakhalanga na yumoza wa nambala sikisi.

Ndipo Yesu wakati kwa iyo, “Ruta, ukatore mfumu wako, ndipo mukize kuno.”

Ndipo iyo wakati, “Ine ndirije mwanarumi waliyose.”

26 Iyo wakati, “Yayi, iwe ukaŵapo nawo ŵankhonde, ndipo yumoza mweneuyo iwe ukukhala nayo sono ngwako yayi. Ntheura, iwe wayowoya makora.”

27 Muwoneni sono, Muyuda. Para Yesu wakati wachita munthondwe ula kwa iyo, Muyuda mweneko wakugomezgeka yura, mweneko, Muyuda muneneska, wakati, “Imwe ndimwe Mwana wa Chiuta, Fumu ya Israel.” Iyo wakamanya kuti vimanyikwiro vira vikenera kuchitika na Mesiya.

28 Ndipo sono apa pali Musamariya. Para munthondwe ula ukati wachitika pa iyo, iyo wakati, “Bwana, ine nkhuwona kuti Imwe ndimwe Muprofeti. Ise tikumanya kuti para Mesiya wafika, Iyo wazamkutiphallira vinthu ivi. Kweni kasi Imwe ndimwe njani?”

Iyo wakati, “Ine ndine Iyo uyo wakuyowoya kwa iwe.”

29 Iyo wakasida chiwiya chake cha maji, ndipo wakachimbirira mu msumba, ndipo wakati, “Zaninge, muzakamuwone Munthu Uyo wandiphallira ine vinthu ivyo ine ndiri kuchita. Kasi uyu ndi Mesiya mweneyura yayi?” Nadi.

30 Kurutirira mu Malemba ise tingamanya kutora ichi, umo Iyo wakachitira vinthu ivyo Wadada wakamuwoneska Iyo. Baibolo likayowoya, uko mu Yohane Mutuwa, para iwo wakamufumba Iyo kuti ntchifukwa uli Iyo nthawo wakachizga wanthu wose wawo wakupundukwa, ndipo Iyo wakati, “Inya, inya, Ine nkhumunenerani.” Yohane Mutuwa 5:19, “Inya, inya Ine nkhumunenerani, Mwana wangachita chirichose yayi mwa Iyoyekha; kweni icho Iyo wakuwona Wiske wakuchita, ndicho Mwana wakuchita nayoso.”

31 Sono, usange Khristu wali kuwuka ku wakufwa, ndipo wali pakati pithu muhanyauno, ndipo wakalayizga kuti vinthu vyeneyura ivyo Iyo wakachita, kuti ise tichitenge naseso, uwo panji ndi Unenesko, panji ndi Unenesko yayi. Baibolo likati, “Iyo ndi mweneyura mayiro, muhanyauno, na muyirayira.”

32 Ndipo, wabwezi, ine ndine waka wakukondwa kumanya, muhanyauno, kuti ine nadi, na chose icho chiri mkati mwane, nkhuomezga kuti Yesu Khristu ndi Mwana wa Chiuta. Iyo wakalengeka ndipo wakababika, kubabika kwambura kugonana. Iyo wakasuzgika pasi pa Pontiyo Pilato; wakapayikika, wakafwa, wakasungika, wakawukaso dazi lachitatu; ndipo wakakwerera Kuchanya, ndipo wakukhala ku woko lamaryero wa Chikurukuru Wake. Ndipo Mzimu Mutuwa wali muno kurutirizganga mlimo weneula uwo Iyo wakachita para Iyo wakaŵa pano pa charu chapasi. Ghanoghano lakutowa uli!

33 Mlenji uweme uli, mlenji wakudankha wa chiwuka, Isitara yakudankha iyo yikawoneka pa charu chapasi! Kasi imwe mukumanya kuti Isitara iyi yeneiyo ise tikusekerera, ya chiwuka Chake, yikurongora waka ku Isitara yikuru iyo yikwiza, ora apo Iyo wafikenge kufuma Kuchanya? Ndipo wose awo mbakufwira mwa Khristu wazamuwuka na kuruta na Iyo. Ise tikulindizga waka icho, Isitara yikuru, kwizanga. Ndipo,

muhanyauno, umo chiliri chakutowa ichi, chipembuzgo uli, chisimikizgo uli icho ise tiri nacho, para Baibolo likuyowoya ichi, para kusangika Kwake palipose kukuvumbura ichi, para Nkhongono Yake ya machirisko yikuvumbura ichi, para Mzimu Wake ukuru ukuvumbura ichi, para chirichose mu chilengedwe chikuvumbura ichi, Mpingo Wake ukuvumbura ichi, mtima wane ukuvumbura ichi, mtima wa munthu waliyose wakubabikaso ukuvumbura ichi, kuti, “Yesu Khristu ndi Mwana wa Chiuta, ndipo wazamkwizaso! Ndipo Iyo ndi mweneyura sono, ‘Mayiro, muhanyauno, na muyirayira!’” Sono wonani.

³⁴ Pakaŵa pa mlenji wakutowa uwu wa Isitara. Kukaŵa mphepwelera zinandi, vyakuyowoya. Ŵanakazi ŵanyake ŵakiza kufuma ku dindi, ndipo ŵakayowoya kuti iwo ŵakawona mboniwoni ya Ŵangelo. Ndipo iwo ŵakaghanaghana kuti wakaŵa mlimi; Mariya, mama, pakuti iyo wakupulika lizgu likuyowoya kumanyuma kwake, ndipo wakati, “Kasi imwe mukupenja njani?” Ndipo para Iyo wakati wang’anamuka . . .

³⁵ Mariya wakati wang’anamuka, ndipo wakati, “Iwo ŵatora Fumu yane. Ine nkhumanya yayi uko iwo ŵamuŵika Iyo. Usange Iwe ukumanya, ndiphalire ine uko Iyo wali, ndipo ine ndirutenge kukamutora Iyo.”

Iyo wakang’anamuka, ndipo wakati, “Mariya.”

³⁶ Ndipo iyo wakamulaŵiska Iyo, ndipo iyo wakati, “Rabboni,” cheneicho chikung’anamura, “Musambizgi!”

³⁷ Iyo wakati, “Kunikhwaska yayi Ine, pakuti Ine nichali nindakwere. Kweni Ine ndikwererenge ku Ŵadada ŵako, na ku Ŵadada Ŵane, kwa Chiuta Wane, na kwa Chiuta wako. Kweni ruta, ukaphalire ŵasambiri Ŵane kuti Ine namukumana nawo mu Galileya.”

³⁸ Umo yira yikawonekera kuti yikaŵa nkhani yautesi, ya Munthu uyu mweneuyo iwo ŵakamuwona ŵakamuchita embamu; ndipo wakafwa, wakasungika, ndipo ili likaŵa dazi lachinayi, panji dazi lachitatu kufuma apo Iyo wakafwira. Petros wakagongoweskeka, ndipo wakakhumbanga kuti wawerere ku kuŵeja somba. Ŵawiri ŵa iwo ŵakati, yumoza wakumanyikwa na zina lakuti Kleopa, wakati, “Ise tiwerere waka kukwithu, ku Yerusalemu.” Ndipo pa ulendo wawo, ŵakwenda ŵakukhira, mlenji ula, para Petros wakatora mbeja zake ndipo wakanyamuka kuruta kukaŵeja, ŵawiri aŵa ŵakaŵa pa ulendo wawo, ŵachitima. Ndipo apo iwo ŵakakhiranga pa msewu, kuyowoyanga, “Enya, ine nkhusachizga kuti ntchiweme yayi kukhala wamoyo. O, umo ise tikagomezgera kuti Iyo wakaŵa Mesiya! Vingachitika uli kuti Munthu yura, Uyo wakawuska ŵakufwa, wangakhala chete uli na kumuzomerezga msofi mulara yura kumuseŵereska Iyo? Vingachitika uli kuti Munthu yura, Uyo wakamanya kuwona mboniwoni pamanyuma pa mboniwoni, wazomerezge msirikali

wa Chiroma kumanga salu ku chisko Chake, na kumutimba Iyo pa mutu, na kuti, ‘Usange Iwe ndiwe muprofeti, tiphalire ise uyo wakutimba Iwe?’ Vingachitika uli kuti Iyo wakalirira lusungu, pa mphinjika, kuwonanga kuti Iyo wakamanyanga kuwuska nanga ndi wakufwa?’ O, yikaŵa nyengo yakugongoweska chomene!

³⁹ Ndipo nyengo zira zakugongoweska zikwiza kwa wakugomezga waliyose, kuti wamuyezgeni imwe, na kuti wamulingeni imwe, ndipo kuti wawone usange imwe mukugomezga nadi. “Mwana waliyose uyo wakwiza kwa Chiuta, chakudankha wakwenera kuti wayezgeke, mwana-wasambizgike.”

⁴⁰ Paŵenge ŵanji ŵa imwe muno usiku uwu, kwambura nkhaiyiko, ŵayenderenge mu kuyezgeka kwantheuraso. Usange ise tingachema mzere wa pemphero, ine nkhumanya yayi awo ŵaliye makadi gha pemphero, paliye muniyake wakumanya; igho ghose ghangusazgikana waka pamoza, ndipo ghaperekeka kwa imwe. Ine nichemenge kufuma kulikose, kulikose uko kuli malingaliro ghane pa nyengo yira. Ise tingakwaniska yayi kweni ŵachoko pa nyengo yimoza. Madazeni ghangapo, panyake, ŵizenge mu mzere wa pemphero. Wose ŵakukhumba kwiza. Imwe panyake mungaghanaghana kuti Iyo wamujumphani imwe, kweni Iyo wandachite. Iyo wakumuyezgani waka imwe, kuwonanga waka usange imwe mumugomezgenge nadi Iyo. Mboniwoni yikuchizga yayi; mboniwoni yikukhozgera waka Kuŵapo Kwake.

⁴¹ Ine nanguŵa waka chikhalire umu, kulaŵiskanga waka mu gulu. Ndipo ine nkhuwona a—mubwezi wane, Mrs. Cox, kufuma kusika mu Kentucky. Wakaŵa na kansa yikuru pa chisko chake, masabata ghachoko ghajumphu, yikamurya iyo mumphepete mwa jiso lake. Iyo wakafwanga. Mrs. Wood, mubwezi wane muweme, wakandiyimbira ine pa foni, ndipo wakaliranga, wakati, “Ine nkhuomezga iyi yiryenge jiso lose la amama, mu mazuŵa ghachoko.” Dokotala wakayezga kuperekapo wovwiri pa iyi, na mtundu unyake wa mankhwala, ndipo wakayipalariska iyi. Iyi yikaŵa mu kaŵiro kakofya. Nkhanjira ndipo nkhapereka lakuphweka, lurombo lichoko, na chipulikano chakukhazikika, kuti ichi chichitikenge. Ndipo apa iyo wali muno usiku uwu, wamusuma waka na wakuchizgika; paliye nanga ndi bamba pa ili, ili lose liri makora, pa maso pake. Wakhala nkhanira kunthazi kwa ise uku. Ŵanyake ŵalipo, na chinthu chenechira. Chifukwa? Ndi chifukwa chakuti Yesu Khristu wakawuka ku ŵakufwa, ndipo Iyo ngwamoyo.

⁴² Yumoza mweneyura uyo wakamanya kukhwaska wavyoni, ndipo wakati, “Ine ndichitenge, iwe tozgeka,” wangamanya kukhwaska kansa na kuti, “Ine ndichitenge, iwe tozgeka,” usange Iyo ndi mweneyura mayiro, muhanyauno, na muyirayira.

43 Ndipo apo Kleopa na iwo wakarutanga, wakugongweseka, iwo wakaŵa ngati kuti wali mu umoza wa milenje yachitima, kuwonekanga ngati kuti chirichose chikayendanga makora yayi. Ndipo mbwenu kwamabuchibuchi, Munyake wakiza, apo Iyo wakizanga kumanyuma kwawo, wakayenda ndipo wakawasanga iwo. Ndipo iwo wakamanya yayi kuti yura wakaŵa Fumu Yesu! Iyo wakaŵa wamoyo, ndipo wanthu wanandi awo wakamutemwa Iyo ntha wakamanya ichi.

44 Ndipo icho ndi chimozimozi umo kuliri muhanyauno. Kuli wanthu wanandi muhanyauno awo wakuyitemwa Fumu, ndipo wakumanya yayi. Imwe mungamanya kuwaphalira iwo za ichi, ndipo kweni iwo wakumanya yayi kuti Iyo ngwamoyo muyirayira, usiku uwu, kuti Iyo wali muno mu tchalitchi ili usiku uwu, kuti Iyo wali pakati pithu, ndipo wawenge mpaka Iyo wafike mu thupi, thupi lanyama. “Ine ndizamkukusida yayi iwe nesi kukuleka iwe.”

45 Ndipo apo iwo wakarutiriranga ndipo wakayamba kuyowoyeskana mu msewu, Yesu, ine nkukhumba kuti imwe muwone chinthu chakudankha icho Yesu wakachita, wakaruta nkhanira kurunjika ku Malemba, Iyo wakati, “O, wakupusa mtima, kasi ntchinonono kwa imwe kugomezga icho waprofeti wakayowoya?” Pakuti, Iyo wakaŵa kuti wawafumba waka iwo, “Ntchifukwa uli imwe muli na chitima chikuru?”

46 Ndipo iwo wakati, “Kasi Iwe ndiwe mlendo? Kasi Iwe ukumanya yayi kuti Yesu wa ku Nazarete, Uyo ise tikaghanaghana kuti ndi Mesiya, Muwomboli wa Israel, kasi Iwe ukumanya yayi kuti ili ndi dazi lachitatu kufuma apo Iyo wakapayikikira? Ndipo Iyo wakaŵa Munthu wankhongono mu Mazgu. Iyo wakaŵa Muprofeti wankhongono, chifukwa kuti minthondwe yinandi na vinthu, Chiuta wakachita kwizira mwa Iyo. Ndipo ili ndi dazi lachitatu; ndipo sono iwo wamukoma Iyo, ndipo wamusunga Iyo, ndipo Iyo wakaŵa mu dindi. Ndipo wanakazi wanyake wangwiza kwa ise ndipo wangutiphallira kuti Iyo wawuka ku wakufwa. Ndipo ise tikamanya kuti iyi yanguŵa waka nkhanu yauchindere, nthaura ise tiri pa ulendo withu wakuwerera.”

47 Apo ndi penepapo Iyo wakayamba kujura Mazgu. O, ine nkughatemwa Mazgu Ghamuyirayira gha Chiuta! Iyo wakayamba kusanthura Malemba, kuyambira na Moses. Iyo ntha wakabisa chirichose, Iyo wakaruta mwakurunjika ku Mazgu!

48 Munthu waliyose wakatumika na Chiuta, ine nkhuwerera yayi kwali iyo ndinjani, iyo wakhalenge na Mazgu gha Chiuta. Usange iyo wakuchita yayi, iyo ntha ndi muteweti muneneska wa Chiuta.

49 Iyo wakaruta nkhanira ku Mazgu. Ndipo Iyo wakawoneska, kwizira mu Mazgu, kuti Khristu wakenera kuti wafwe, waukeso,

na kunjira mu Uchindami Wake. Sono, o, umo iwo wakenera kuti nthena wakayowoya!

⁵⁰ Ine ningakhumba kuti nthena nanguwa na maora ghachoko ghara ghakuyowoyeskana na Iyo (mungakhumba yayi imwe?) pa msewu. Imwe mukuti, “Enya, M’bale Branham, ine nadi ningatemwa. Nakhumbanga nthena nanguchita.” Enya, ise tingamanya kuwa nacho ichi sono nthena. Uyo Ndiyo uyo wakuyowoya kwa iwe, mu mtima wako. Iwe ukuchimanya waka yayi ichi.

⁵¹ Sono wonani apo Iyo wakasenderera kufupi ku msumba, kukayamba kufipa, Iyo wakachita ngati kuti Iyo warutirirenge.

⁵² Iyo panyake wangachita icho kwa iwe, naweso. Iyo panyake wangakupanga iwe kughanaghana kuti Iyo warutirirenge, kweni Iyo wachitenge yayi. Iyo wakuumphilirenge yayi. Iyo wakuhumba waka kuti iwe umucheme Iyo.

⁵³ Ndipo iwo wakati kwa Iyo, “O, zuwa laruta chomene. Sono kurutirira yayi, kweni chonde njirani ndipo mukhale nase.” Imwe mupeni waka Iyo mtundu uwo wa ntchemo, muwone icho chichitikenge. Wakati, “Zuwa laruta chomene sono, Imwe fikani ndipo mukhale nase. Iyi yikurazga kumise.” Pamanyuma Iyo wakang’anamuka ndipo wakanjira, pa karestoranti kachoko, nyumba yichoko ya walendo.

Mu Europe iwo wachali nazo izi. Imwe murye ndipo mugone, ndipo chirichose chalipirika mu mtengo umoza, hotela yinu.

⁵⁴ Ndipo para Iyo wakati wafika mkati na iwo! Apa pali gawo lakutowa. Dazi lose lira, apo iwo wakayowoyeskananga na Iyo, Iyo ntho wakayowoya chinthu chimoza. Kweni, iwo wakayenda na Iyo ndipo wakayowoyeskana na Iyo, kumanyuma, kweni iwo wakamanya yayi ichi.

⁵⁵ Ndinjani wakamuthaskani imwe kuti muleke kuchita ngozi yira dazi linyake? Ndinjani wakapanga bonda yura kuti wachire? Ndinjani wakakulipirira mtengo ula wa magurosare? Waka wa Iyo, kweni iwe ukumanya waka yayi ichi. Kasi ndinjani wakupa iwe thanzi liweme kuti wize ku tchalitchi usiku uwu? Ndi Iyo, kweni iwe ukumanya yayi ichi. O, usange ise tingachita waka ngati iwo, muchemani waka Iyo kuti wanjire!

⁵⁶ Ndipo para Iyo wakati wafika, wakanjira mkati, wakajara miryango, nthura Iyo wakachita chinyake icho paka wavye munthu munyake wakamanya kuchita mu nthowa yira. Iyo waka wa Yekha pera uyo wakamanya kuchita ichi, pakuti iwo waka wa na Iyo pambere kundachitike kupayikika Kwake. Ndipo Iyo wakatora chingwa chira, ndipo, umo Iyo wakachitira ichi, yira yika wa nthowa Yake Yekha yakuchitira ichi. Ndipo maso ghawo ghakajurika, ndipo iwo wakamanya kuti yura wanga wa Iyo pera. Iyo ntho wakakhala nawo nyengo yitali chomene. Iyo wakazgewerekera ku maso ghawo, mu kanyengo waka. [M’bale Branham wakulizga njo we zake—Munozgi]

57 Ndipo pa ulendo wawo, iwo wakarwera mwankhongono waka umo iwo wakamanya kuchitira, kwendanga mwakuphweka, kuchemerezganga waka kutonda, kuti wakawaphalire iwo kuti, “Fumu yauka nadi!” Iwo nthawakaruta kuwera kukasukana vya chisopo chawo. Iwo nthawakaruta kuwera kukangananga za ichi. Kweni iwo wakamanya waka kuti Iyo wakawuka ku wakufwa!

58 Sono, wabwezi, usange Yesu Khristu, Mwana wa Chiuta wamoyo, pakati pajumpha virimika nayintini handiredi kumanyuma, usange Baibolo ndinenska, Iyo wakati, “Ine ndine wamoyo muyirayira,” Iyo ngwamoyo waka muno, mu nyumba iyi usiku uwu, umo Iyo wakawira pa dazi la chiwuka Chake, Iyo wali waka mu thupi.

59 Wanyake wa iwo wakawungana pamoza. Ndipo Iyo wakiza waporota viliwa, wakawonekera nkhanira mkati, mkatikati mwa iwo, wakati, “Apa, ndipapaskeni Ine. Wonani mabamba Ghane mu mawoko Ghane. Kasi mzimu uli na munofu na viwangwa ngati ndiumo Ine ndiliri nawo?” Iyo wakati, “Ndipaseni chinyake ine chakuti ndirye.” Ndipo iwo wakamupa Iyo somba na chingwa. Ndipo Iyo wakayimirira apo ndipo wakarya ichi, panthazi pawo, wakati, “Mzimu nthawakurya ngati ndiumo imwe mukuwonera umo Ine nkhuriya.”

60 Kasi Iyo ndinjani? Iyo ndi mukuru yura, Yehova Chiuta wamoyo uyo wali pakati pithu usiku uwu. Iyo wali palipose apo wawiri panji watatu wawungana: “Ine ndizamkuwa pakati pawo.”

61 Ndipo sono apa pali icho ine nkughanaghana. Usange Khristu wafikenge ku gulu ili la wanthu, apo imwe mukulingalira, mukulindizga, ndipo wasimikizgirenge, pa Isitara iyi, kuti Iyo ngwamoyo, ndipo wayimilira mu nyumba iyi usiku uwu, nthaura imwe muli nawo ufulu kumuramba Iyo chirichose icho Iyo wakafwira, ndipo gomezgani kuti imwe mupokerenge ichi. Kasi imwe mukugomezga uwo kuwa Unenesko? Nadi, uwu mbunenesko.

62 Sono, ine ningamanya kuyowoya kwa imwe nyengo yitali, kweni Lizgu limoza kufuma kwa Khristu ling’anamurenge pakuru kuruska mazgu ghose agho ine ningamanya kuyowoya; wakuvuka na wakugota mazgu, ndipo wakuvuka umo ndiliri mu mazgu.

63 Ndipo nthaura chinthu chinyake, mu kuyowoya, ntchinonono, pakuti kuno nkukaya kwane, kuti ndiwe na unganu wakuchita makora na wakuphakazga kwa Mzimu ngati uwo. Chifukwa? Chifukwa kuno ndi kukaya kwane. Yesu wakati, “Muprofeti, mu chikaya chake yekha, charu chake yekha, nanga ndi mu charu chake yekha.” Ichi ntchinyake waka icho chikuchitika mwantheura umo.

64 Iwo wakayowoya kuti para Iyo wakati waruta kukaya Kwake Yekha, iwo wakati, “Kasi uyu ndi mwana wa kalipentara yayi? Ndi mama Wake yayi, Mariya, wali muno na ise? Kasi wanung’una Wake wose wali muno yayi, na walongosi Wake? Kasi ise tikuwamanya yayi iwo? Kasi Iyo wakasambira ku sukulu nkhu? Kasi Iyo wakasambira ku seminare nkhu? Kasi Iyo wali na vyakumuyenerezga uli?” Ndipo Iyo ntha wakayendera ku sukulu yiriyose panji seminare yiriyose, panji vyakumuyenerezga virivyose, kweni Iyo wakiza kufuma kwa Chiuta. Kweni iwo wakatondeka kuchiwona ichi. Iwo wakati, “Kasi Iyo wakuvitorankhu vinjeru ivi?”

65 Ndipo para iwo wakati wamuwona Iyo wakusanda maghanoghano ghara gha wanthu, para Petros wakati wafika kwa Iyo, Iyo wakati, “Zina lako ndiwe Simon, zina la dada wako ndi Jonas,” ichi chikamuzukumiska iyo. Kasi Iyo wakamumanya uli iyo?

66 Wafarisi wakayimirira kufupi, ndipo wakati, “Iyo ndi Berezebure. Iyo ndi mulara wa waroski. Iyo ndi devulu!”

67 Ndipo Yesu wakati, “Imwe kuyowoya icho kwimikana na Ine, Mwana wa munthu, ichi chizamkugowokereka kwa imwe. Kweni para Mzimu Mutuwa wafika na kuchita chinthu chenechira, ndipo imwe kuyowoya lizgu limoza kunyoza Uwu, ichi chizamkugowokereka yayi kwa imwe, mu charu ichi panji charu icho chikwiza.” Ntheura, ndi chinthu chakofya. Ntheura kasi Iyo wakamanya uli? Ntchifukwa uli Iyo wakayowoya icho? Iyo wakamanya kuti vimanyikwiro vira vizamkumara kufikira dazi laumaliro ili.

68 Ndipo mazuwa ghaumaliro agha, Iyo wawenge murunji yayi, kuti wapungulire ukali Wake pa wanthu warunji. Iwo...Ise tayezegeka mu sikelo, ndipo tasangika wakuperewera. Chose ise tikughanaghana ndi nyengo zikuru, mapulogiramu pa rediyo, ghakazuzi, Elvis Presley, Arthur Godfrey, nthabwara zakale zaukazuzi, wakumanyikwa pa rediyo na television. Ise tikukhala kunyumba pa Chitatu usiku, kujomba unyumba wa malurombo, kuti tiwone ukazuzi ngati ula, na kujichema tawene Wakristu?

69 Ntheura para Chiuta wapungura Mzimu Wake, na kuwoneska vimanyikwiro vya chiwuka Chake, ise tikusuka Ichi ndipo tikurazgako nkontho. Ndipo uko ndi kwananga kwambura kugowokereka, kuchita icho. Yesu wakati, “Kuyowoya lizgu limoza kunyoza Ichi, ichi chizamugowokereka yayi, mu charu ichi panji charu icho chikwiza.” Ntheura Mzimu ula ukwenera kuti ufike mu mazuwa agha ghaumaliro, kusimikizgira Mazgu ghara gha Chiuta kuwa ghaneneska.

70 Ndipo ine nkhuwoyoya, pasi pa mazaza gha Mazgu gha Chiuta, na kapulikiro ka uzima wane ndamwene: Mzimu Mutuwa mwenyura (Mzimu) uli nkhanira muno sono pakati pa wanthu awa. Sono, ine nanguyowoya kuti Iyo wali kuwuka

ku wákufwa. Ine nanguti Iyo ngwamoyo, wamoyo muyirayira. Ine nanguti Iyo ndi mweneyura mayiro, muhanyauno, na muyirayira; mweneyura mu kachitiro, mweneyura mu Nkhongono; mweneyura mu chirichose, vyose kweni thupi Lake la nyama ilo lakhala ku woko lamaryero la Chiuta na Chikurukuru, mu Uchindami. Kweni Mzimu Mutuwa wali muno, kutewetanga, kwendanga, kuchitanga ndendende ngati ndiumo Yesu Khristu wakachitira, pakuti ndi chisimikizgo cha chiwuka Chake. Ora liweme uli! Sono ine nkhusachizga imwe mukuwona apo ine ndayimirira.

⁷¹ Sono, nthā na yichoko pera iyi, pafupifupi wanthu handiredi, panji wanthu thu handiredi muno mu—mu nyumba yichoko iyi, wazura muno usiku uwu, kweni ine nayowoya mazgu agho panthazi pa masauzandi kwandaniska masauzandi, na mahandiredi gha masauzandi, nakolera Baibolo mu woko limoza, ndipo Korani mu linyake, kuti, “limoza ndineneska, ndipo limoza linyake nditesi,” ndipo nkhwimikana na wasembe waliyose wa Mohammed kuti wafike ndipo wasimikizgire, panji munyake waliyose, wa Buddha, panji chirichose iyo wangamanya kuwa, kwimikana na Korani, na kwimikana na chisopo chawo, kweni waliyose wakukhala chete.

⁷² Kweni, wabale, chifukwa icho ine nkchuchitira icho, chifukwa ine nkhumanya Muwomboli wane ngwamoyo! Ndipo Iyo ndi Unenesko. Yesu Khristu ngwamoyo. Iyo wali muno!

⁷³ Sono ndi chinyake yayi mkati mwa ndamwene icho ine ningamanya kuchita, ndi chawanangwa cha Chiuta. “Kasi iwe ukuchita uli ichi?” Ichi ndi kujipereka waka wamwene.

⁷⁴ Nkhanira mu nyumba iyi sono muli wanandi, Wangelo wanandi. Imwe mukuti, “Kasi ilo ndi Lemba?” Ilo ndi Baibolo. Rekani ine ndimuwoneskeni imwe. Kasi Mbakhristu walinga wali muno? Kwezgani woko linu. Viri makora, imwe mungamanya kukhizga pasi. Baibolo likayowoya kuti, “Wangelo wa Chiuta wazingirizga iwo weneawo wakumopa Iyo.” Ipo, muli Wangelo muno!

⁷⁵ Ntheura Khristu wakati, “Palipose wawiri panji watatu wawungana mu Zina Lane, Ine ndizamkuwa pakati pawo.” Ipo, Iyo wali muno! Chinthu chekha pera chiriko, imwe mungamuwona yayi Iyo, kweni mwa chipulikano ise tikugomezga ichi.

⁷⁶ Ine ningamanya kumusimikizgirani imwe kuti rediyo yikunjira muno, namoso, mazgu. Ine ningamanya kumusimikizgirani imwe kuti vithuzithuzi vikunjira muno. Ichi nthā chifikenge pa chubu *ichi* uku; ichi nthā chifikenge pa *ichi*, libwe ili, pa mayiki iyi; nesi ichi chifikenge ku chipitika *ichi* cha chipangizo, chifukwa ichi nthā chikapangika mwantheura umo. Kweni chiriko chipitika cha chipangizo icho chipangenge chithuzithuzi icho.

⁷⁷ Ndipo Chiuta wakaŵika ŵanji mu Mpingo, chakudankha ŵapostole, pamanyuma ŵaprofeti, ŵasambizgi, ŵaneni, na ŵaliska, wose kuti ŵapange Mpingo kuŵa wakufikapo. Kasi ise timukanenge uli yumoza, na kuti yumoza munyake wali ntheura yayi? Chiuta wakuchita ichi, Iyomwene. Ndi chinyake yayi mu charu kweni kujiperekanga waka wamwene ku Mzimu Mutuŵa. Ndipo Mzimu Mutuŵa wakutora ulamuliro kufuma apo, ndipo iwe ukumanya yayi icho iwe ukuchita. Ndi ntchito yikuru ya Mzimu Mutuŵa.

⁷⁸ Sono, ŵabwezi, tawuni yane ya kukaya. Ndipo ine nkhekumba kuti ndiyowoye ichi sono, pambere tindajare chisisimuso ichi. Limoza la mazuŵa agha ntha vizamukhalako nanga ndi vyoto mu Jeffersonville, ntha yumoza wazamkusidika mu Charlestown, ntha wazamkusidika yumoza mu Louisville. Charu ichi chiri pafupi kuti cheruzgike. Iwo ŵali na bomba la mphepo sono ilo Russia wangamanya kuponya kufuma ku Moscow, kuwiska ili pa Fourth Street, na kutora lirilose la mafikatara agha ghakupangirako vida vyamphepo kudera kuno, na kubizga ichi twente-thu mitazi pasi mu dongo, na bomba limoza. Bomba limoza; twente-foru kilomitazi vigaŵa vyose vinayi, ili linjirenge fote-fayivi mitazi pasi mu dongo. Woko liri pa kakukhetemulira. Koloko yikwenda. Nyengo yamara chomene kuruska umo imwe mukughanaghanira. Ntchifukwa uli mulindizgenge mpaka nyengo yira?

⁷⁹ Kumbukirani, “Kachisi uyu wa charu chapasi para wapankhuka, ise tiri nayo yumoza wakulindizga.” Rekani kuchita mantha na bomba la mphepo panji chinthu chinyake. Malinga imwe muli mwa Khristu mu mtima winu, agho ndi malo ghaweme ghakubisama ku bomba agho ine nkhumanya. Agha ghali kupangika na mahungwa; kusi kwa mapapindo Ghake, ndiko imwe mwakhala. Ntheura rekani kwenjerwa na vinthu ivyo, usange imwe ndimwe Mukhristu.

⁸⁰ Kweni usange imwe ndimwe Mukhristu yayi, imwe mwayimirira mu malo ghakofya chomene. Imwe mukumanya yayi miniti apo mtima winu uzamulekera kutchaya. Baibolo likati ŵanthu ŵazamkufwa mu mazuŵa ghaumaliro, na suzgo la mtima, “Mtima wa ŵanarumi kutondekanga, mantha, nyengo zinsono, urwani pakati pa mitundu.” Laŵiskani unandi, ŵanarumi ŵanandi kwandaniska khumi ŵakufwa, kulinganizga na ŵanakazi; Baibolo ntha likati mtima wa ŵanakazi uzamkutondekanga, Ili likati, “Mtima wa ŵanarumi uzamkutondekanga.” Ichi nkhanira, ntchakufikapo.

⁸¹ Dazi linyake mu Oakland, muwoli na ine tikaŵa kula mu San Francisco, chindindindi chikuru chira chikagwedezga. Ndipo charu chikayamba kubokora na kukhwira kula, mpaka nyumba zikasweka, ndipo machimune ghakawa. Mabulunga ghakuru gha mphepo ghakakwera muchanya ngati *ntheura*, na josi mu iyi, panji vyoto, chirichose chikaŵako, kufuma

ku malo ghara. Ndipo wanthu wakachimbilira ku misewu, kuchemerezganga. Ine nkhaghanaghana, “Kasi kuzamkuwa uli para Fumu yawonekera nadi?” Malo ghakumwerako mowa, nkhanira kurutiriranga, kupakiranga mowa wawo, pa mashelufu, na kuguriskanga uwu. Wanthu wakwiza kuzakagula uwu. Munthu nthena wangaguriska yayi uwu usange pakawavye munyake wakugura. Uwo mbunenesko.

⁸² Ichi ndi, ise ndise wakwananga. Reka ine ndikuphalire iwe, m'bale. Ine ndine wa mu America, ndipo ine nkhuchitemwa charu chane. Kweni fuko lakale ili layezgeka mu sikelo, ndipo lasangika lakuperewera. Ichi chikutitimira, mwakusimikizga waka umo ine ndiliri mupharazgi kumanyuma kwa gome ili usiku uwu. Sono ine nkhuoyoya icho kuti ndisange kutemwerekana na Chiuta. Ine nkhuoyoya ichi chifukwa Chiuta wawika ichi pa mtima wane kuti ndiyoyoye ichi. Ndipo chinthu chiweme chomene chakuti iwe uchite ndi kunozgekera Kwiza kwa Fumu.

⁸³ Sono mugomezengi Iyo, muwe na chipulikano mwa Iyo. Sono, mazgu ghose ine ningamanya kuyowoya, ine nkhuoyoyaso, ntha ghangang'anamura chinthu chimoza ku icho Yesu wangamanya kuyowoya. Kweni kasi imwe mukumanya apo ine ndayimirira, na gulu ili la wanthu usiku uwu? Ine panyake natanthauzira mwaujira chinthu chinyake, panji nayowoya Unenesko. Sono usange Yesu Khristu wawuka ku wakufwa, ndipo, wakalayizga, vinthu vyenevira Iyo wakachita ise tichitengeso, ndipo ine ndiri kuyowoyapo, kufuma ku mnyamata muchoko . . .

⁸⁴ Ine ntha nkha wa na myezi eyitini yakubabika, ine nkhusachizga, kweni ntha kujumpha virimika viwiri vyakubabika, munthowa yiriyose, para ine nkhawona mboniwoni yane yakudankha. Ichi ndi, chiri kukhalirira, umoyo wane wose. Wanthu muno mu kachisi, wakumanya icho. Umo ine ndiri kuwira kuno, ntha nyengo yimoza ichi chikatondekapo. Ndipo ichi chizamkutondekapo yayi, chifukwa ichi ndi Chiuta. Ichi chayenda charu zingirizge, chisisimuso chikuru chabuska ichi. Ndipo sono, mwa uchizi wa Chiuta, ine ndiri mu miliyoni yane yachiwiri ya mauzima, nkhanira mu unguno wane ndamwene, kuwawojera kwa Fumu Yesu. Miliyoni yachiwiri, uwo mbunenesko. Ndipo ghanaghanani waka za mamiliyoni ghanyake agho ghali kuruta, Oral Roberts, myoto yose yira iyo yiri kubuka kufuma ku chinthu, ndipo yikarutirira, masauzandi kwandaniska masauzandi, mpaka charu zingirizge kuli chisisimuso chimoza chikuru cha Nkhongono ya Chiuta, chikwenda. Ndipo devulu wakusutura mitundu yose ya vinthu vyautesi, kuti wathereske Ichi. Kweni gheneko, Mazgu ghaneneska gha Chiuta gharutenge nkhanira kufika ku umaliro. Igho ghazamkutondeka yayi! “Ine Yehova napanda ichi. Ine

nithirirenge ichi muhanya na usiku, mzire w̄anji w̄akwamphure ichi kufuma mu woko Lane.”

⁸⁵ Sono, usiku uwu, ine nanguyowoya kuti Khristu wakawuka ku wakufwa. Iyo ndi mwenyura mayiro, muhanyauno, na muyirayira. Sono, Fumu yimutumbikeni imwe. Usange Iyo wachitenge icho, nthaura imwe ndimwe... Usange imwe mukugomezga ichi, Chiuta wamutumbikeni imwe. Murombeni Iyo, penepapo, para Iyo wafika pa malo. Usange Khristu wawonekerenge pano pa gome ili! Apa pali bechu. Usange Yesu Khristu, Mwana wa Chiuta, wawonekerenge nkhanira pano pa gome, na kuchita vinthu vyenevira Iyo wakachita para Iyo wakawa pano pa charu chapasi, kasi imwe mumugomezgenge Iyo?

⁸⁶ Muwoneni Iyo, pa ulendo wakuya ku Emausi, umo w̄anyamata w̄ara, w̄akatimbanizgikira... Para Iyo wakamena chingwa chira, Iyo wakachita chinyake kula icho kuka w̄avye munthu munyake wakamanya kuchita. Chika w̄a chinyake icho Khristu yekha ndiyo wakamanya kuchita. Ndipo iwo w̄akamanya ichi.

⁸⁷ Sono usange Iyo wachitenge chinthu chenechira pano, icho ndi Khristu yekha pera wangamanya kuchita; nthu chinthu chinyake chautesi, kweni chinthu chenechira icho Iyo wakachita; nthaura imwe mugomezgeni Iyo, mupokerereni Iyo, mu w̄e na chipulikano mwa Iyo, mutemweni Iyo, mutumikireni Iyo.

⁸⁸ Rekani ine ndimuphalireni imwe, nthu mungajoyinanga waka mpingo sono. Icho chigwirenge ntchito yayi. Imwe mukwenera kuti mubabikeso. Nthu mwakuchita kujipangiska; nthu chinthu chinyake chichoko imwe mukayowoya, “Enya, ine nkachemerezga. Ine nkayowoya malilime. Ine nkachita *ichi*,” ndicho yayi ichi. Para nadi pasi mu mtima winu, Chinyake chafika kumusinthani imwe, ndipo imwe mwazgoka chilengiwa chiphya mwa Khristu Yesu; imwe mwapokerera Munthu, Khristu Yesu; para vinthu vyakale vyafwa, ndipo vinthu vipya vyababikaso; imwe mwanozga vinthu, kuti imwe mukananga; imwe muku w̄atemwa w̄arwani w̄inu, imwe muku w̄arombera iwo w̄eneawo w̄akumutinkhani imwe; apo ndi penepapo imwe muku w̄a Mukhristu. Khuni likumanyikwa na chipaso icho likupambika.

⁸⁹ Nkhuromba Fumu yimutumbikeni imwe sono, apo ise tikusindamiska mitu yithu. Ine ndimufumbenge mlongosi kuti warute ku piyano, pachokopachoko wayimbe, “Ng’anga yikuru sono yiri pafupi, Yesu wachisungusungu.” Ndipo imwe kuwaro, sono, imwe muli na makadi ghapemphero, sunthirani kufupi ku muryango, ise tiyambengepo mu kanyengo waka. Tiyeni tirombe.

⁹⁰ W̄adada w̄ithu W̄akutumbikika W̄akuchanya. O, mazgu ghane ghakusasa, myezi yinayi ya kuyowoyanga, ine ndavuka

waka chomene mu mazgu ghane. Kweni ine nkhuromba kuti Imwe mundivwiringe ine sono nthena. Apa paŵenge chakuchitika chinyake chikuru pa Branham Tabernacle. Muno muzamkuŵa kaboni munyake wazamuwuka mu mazuŵa ghaumaliro, pa Dazi la Cheruzgo. Ŵanandi ŵayimirira mkati na kuwaro, usiku uwu, ŵanandi ŵa iwo ŵakuzizwa, ŵanandi ŵakughanaghana, “Kasi ndi unenesko, panji ndi unenesko yayi?”

⁹¹ O Wamuyirayira na Dada Wakutumbikika, ise tikuromba kuti Imwe sono muwoneskenge chitemwa Chinu kwa ise, pa kuchita kuwonekera muno na kupanga Mazgu Ghinu kuŵa ghaneneska. Ine ndayowoya za Mazgu Ghinu, ngati ndiumo Imwe mukachitira, Mwaŵene, kwa Kleopa na mubwezi wake, ku Emausi. Ndipo pa ulendo withu, Fumu, apo ise tikwenda, Imwe mwayowoya kwa ise kwizira mu Mazgu Ghinu. Ndipo sono fikani pakati pithu! O Khristu Mukuru, zanginge pakati pithu, simikizgirani Mazgu Ghinu kuŵa ghaneneska, ndipo jiwoneskeni Umunthu Winu pano usiku uwu. Umo, ise vilengiwa vyambura kwenerera tikuzomerezga kuti ndise ŵakwananga ndipo ndise ŵakwenerera yayi vinthu ivi, kweni ise tikugomezga ichi, Fumu. Ndipo mwa uchizi ise tikuzomera ichi, kwizira mu chipulikano, kuti ndise ŵakuponoskeka, ndipo ŵana Winu. Titumbikeni ise sono, Fumu.

⁹² Ine nkhumanya Mazgu Ghinu nganeneska, para Imwe mukayowoya za “muprofeti mu msumba wake yekha, pakati pa ŵanthu ŵake yekha.” Kweni, Fumu, ine nkhuromba, ku usiku waka uwu, kuti Imwe mulaŵiskenge waka ku ŵanthu, na kujiwoneska Mwaŵene kamosaso muno mu msumba uwu, mu kwenda kwa Mzimu Mutuŵa. O Chiuta Wamuyirayira, titumbikeni ise sono apo ise tikulindizga kwa Imwe. Ndipo chitani vinthu ivyo Imwe mukachita pambere kundachitike kupayikika Kwinu, ndipo Jeffersonville waŵengevye chinthu chimoza chakuti wadandaule. Kweni, ise tikumanya kuti iwo ŵazamkuŵavye pakugwenthera pa Dazi lira, kuti Imwe mwajiwoneskera Mwaŵene. Mu Zina la Yesu, ine nkhuromba. Amen.

⁹³ [Pa tepi palije kalikose—Munozgi]..nthu icho iyo wakukhumba kuti ine ndirombere. Yayi, ndi kansa yayi, pakuti iyo wali kuchira ku icho. Kweni iyo wakukhumba kuti ine ndirombere suzgo la msana ilo iyo wali nalo. Uwo mbunenesko. Ndi suzgo mu msana wake. Ndi unenesko uwo? Sono kasi imwe mukugomezga kuti Iyo wakauka ku ŵakufwa? Sono wonani. Usange ine niyowoyenge kwa iyo mwakurutirirako pachoko, panyake chinthu chinyake chiyowoyekenge. Ine nkhumanya yayi. Sono, ine nangumanya yayi kasi suzgo lako ndivichi. Ine nkhumanya yayi sono kasi ili languŵa vichi. Mukuwona? Kweni ŵakujambura ŵali nacho ichi, imwe mungamanya kufufuza icho Iyo wakayowoya.

⁹⁴ Tiyeni tiyowoyepo waka miniti pera mwakurutirizga, ndipo tiwone usange Iyo wandiphaliirenge chinthu chinyakeso. Ine nkhuwona mwanakazi uyo wakuwoneka chinyake pa dongosolo... Ndi mwanakazi munyake, ndipo iyo wakurombera iyo. Ndipo iyo wali ku malo ghanyake panji ku chipatala, ichi chiri ngati... Ndi malo gha wakuzweta mitu. ndi Madison, Indiana. Uyu ndi—uyu ndi—uyu ndi—mlongosi uyo iwe ukumukhumbira lurombo, uyo wali kumalo gha wakuzweta mitu. Ndipo usange iwe ugomezgenge na mtima wako wose, na vyose ivyo viri mwa iwe, Chiuta waperekenge ndipo wachizgenge msana wako na kukupanga iwe wamusuma. Iwe ukugomezga ichi sono? Viri makora, zanga kuno.

⁹⁵ Wadada wakutemweka Wakuchanya, ise tikuromba icho mu Zina la Yesu Khristu, kuti Imwe mumuchizgenge mwanakazi, na kumupanga iyo wamusuma. Ndipo perekani thumbiko ili kwa iyo. Ndipo ine nkhuromba kuti lusungu lwa Chiuta likhale pa iyo, ndipo limuchizgenge iyo, ndipo jitorereni uchindami kwa Mwaŵene. Ine nkhuromba mu Zina la Yesu Khristu. Amen.

⁹⁶ Ine panyake ndiyowoye ichi. Pali kutukuzga kukwiza kufuma uko, kufuma nkhanira kumanyuma *uku*. Pachoko waka, yimilira apo miniti pera. Ine nawona Kuŵara kula kwafumapo pa iwe. Pali wanandi chomene, wanandi chomene awo wandizingirizga ine pano. Waliyose wakuguza. Kweni ine nkhuwona Ichi chikusunthira kwa iwe. Ndi munyake uyo... Iwe uli na—uli na oparesoni ya wanakazi yizamuchitika. Uwo mbunenesko. Ine nkhuwona wanthu waŵiri panji watatu wakwiza, ndipo Kuŵara kwazgokera nkhanira kumanyuma kula ndipo kwamufika munthu yura nkhanira kumanyuma kula. Ndi iwo wakupempherera icho. Mukuwona? Uwo mbunenesko. Ndipo iwe uli na, ndi kaŵiro ka mwanakazi uyo wachitikenge oparesoni ya wanakazi. Uwo mbunenesko. Sono rutanga ndipo pokera machirisko ghako, ndipo Yehova Chiuta wakuchizga iwe. Amen.

⁹⁷ Kasi iwe ungiza? Dona, kasi iwe ukugomezga pa Fumu Yesu? [Mlongosi wakuti, “Enya, bwana.”—Munozgi] Kasi iwe ukugomezga kuti Iyo wakauka ku wakufwa? Sono, kukumanya iwe, ine nkhumanya yayi. Ine panyake nthena ndiri kukuwonapo iwe usange iwe ukafumirenge chakudera kuno. Ine nkhumanya yayi. Wanthu wakwiza ndipo wakuruta, ine ntha nkhuwa pa kachisi pano chomene kuti ndikumanye. Kweni, iwe, iwe ukufumira ku msumba? [“Enya.”] Iwe ukufumira ku msumba. Viri makora, ntheura, kweni ine nkhumanya yayi iwe. Kweni Khristu wakukumanya iwe. Kweni usange Iyo wavumburenge kwa ine, chiyimilire apa, icho iwe uliri kuno, kasi iwe ugomezgenge ichi na kuchizomera ichi? Ndipo iwe ukumanya kuti ine nkhumanya yayi icho iwe wapukwa kuno, nkhumanya kalikose yayi. Chinthu chimoza pera, iwe panyake uli kundiwonapo ine mu tawuni, panji chinyake, panji—panji

chinyake. Ine nkhumanya yayi. Icho chiri kwa Chiuta kuti—wamanye icho.

⁹⁸ Nkhanira kumanyuma kula, iwe ukukhumba kuti uchizgike ku suzgo lira la chithuziro ilo wakhala ukuŵa nalo? Kasi iwe ukugomezga Fumu Yesu wakuchizgenge iwe? Usange iwe ukugomezga ichi, iwe ungamanya kuŵa nacho ichi.

⁹⁹ Munyake wali na ndopa zakukwanira yayi, wakhala kumanyuma uko, ine naŵawona iwo ŵakutora. Kasi iwe ukugomezga kuti Fumu yikuchizgenge iwe? Viri makora. Kasi iwe ukugomezga na mtima wako wose? Ntheura iwe ungamanya kuŵa nawo machirisko ghako, Chiuta wakuchizga iwe. Iwe wangukhwaska Iyo. Iwe nthā wangukhwaska ine, iwe uli nayini handiredi sentimitazi kufuma kwa ine. Amen.

¹⁰⁰ Sono kasi iwe ukugomezga kuti Iyo wali kuwuka ku ŵakufwa? Laŵiska waka, ndipo ukhale wamoyo, sono apo mzere ukwenda. O, ichi ntchinonono chomene muno mu Jeffersonville! Mukuwona? Ndipo gulu ngati lose ili lakuzingirizga iwe, waliyose! Yesu wakamukora munthu pa woko, ndipo wakamurongozgera iyo kuwaro kwa tawuni, nyengo yimoza.

¹⁰¹ Sono laŵiska kudera uku, mlongosi, pachoko waka. Gomezga kuti Fumu Yesu walipo kuti wakovwirenge iwe. Iwe ukusuzgika na suzgo ilo liri mu muchaza, ndipo dokotala wali kukupima iwe. Ndipo iyo wakakuphalira kuti vikaŵa vyakutupa. Ine nkukuwonaso iwe ukuyezga kwenda kuruta sirya la nyumba, ndipo iwe ukwenda pachokopachoko chomene. Iwe uli na kuphwanya marundi. Icho ndi WAKUTI YEHOVA. Dokotala wakayowoya kuti iwe ukwenera kuti ŵakupange opareshoni. Uwo mbunenesko ndendende. Ndipo ine nkhumuwona iyo wakulemba kakadi kachoko kala mu ofesi yake: Rebekah Baker, 509 Graham Street. Uwo mbunenesko ndendende. Umo ndi mu ofesi yake, pa vyakulemba. Uwo mbunenesko. Kasi iwe ukugomezga? [Mlongosi wakuti, “Enya, bwana.”—Munozgi] Ntheura iwe ungamanya kuŵa nawo machirisko ghako. Mu Zina la Fumu Yesu Khristu, nkhuromba mwanakazi uyu wapokere machirisko ghake. Amen. Chiuta wakatumbike iwe, dona. Rutanga, gomezga sono. Uŵe na chipulikano mwa Chiuta.

Usange imwe mungakumanya waka Kuŵapo kwa Fumu!

¹⁰² Sono dona wayimilira apa, mwakuti imwe panyake... Ine nkhumanya yayi iwe, umo ine nkhumanyira. Iwe ukundimanya yayi ine, ndipo ine nkhumanya yayi iwe. Ndi unenesko uwo? Viri makora. Ipo iwe ndiwe munyake uyo wakundimanya yayi ine, ndipo ine nkhuŵamanya yayi iwo. Ndipo ine nangumumanya yayi dona munyake. Kweni dona uyu ndi mlendo chomene, umo ine nkhumanyira. Usange uwo

mbunenesko, kwezga muchanya woko lako, dona. Nyengo yithu yakudankha, yakukumana mu umoyo.

¹⁰³ Apa pali mwanakazi na mwanarumi. Chithuzithuzi waka chiweme cha Yohane Mutuwa 4, uko mwanakazi na Mwanarumi wakukumana; ndipo mwanakazi waka wa mu Samariya, Yesu waka wa mu Yuda. Ndipo iwo wakayamba kuyowoyeskana yumoza na munyake, ndipo Yesu wakavumbura visisi vya mtima wake ndipo wakamuphalira iyo icho lika wa suzgo lake. Sono, usange Iyo ndi Yesu mweneyura muhanyauno, Iyo wangamanya kuchita mlimo weneula muhanyauno.

¹⁰⁴ Usange mwanakazi uyu wakwezgenge woko lake kwa Chiuta, nthu kurapizga (chifukwa, ise nthu tikugomezga mu kuchitanga ichi), kukwezga waka woko lake muchanya mu chisimikizgo, na lane, kuti ise tiri kuwonanapo yayi yumoza na munyake nakale, ndipo tikumanya kalikose yayi za yumoza na munyake. Uli iwe ukwezge woko lako, dona? Apo imwe muli. Iyo wali kundiwonapo yayi ine, panji ine ndiri kumuwonapo yayi iyo, ndipo iyo ndi mlendo chomene. Sono usange kuli . . .

¹⁰⁵ Kuwapo kwa Fumu Yesu kuli muno. Usange mwanakazi ndi murwari, ine ningamuchizga yayi iyo. Iyo wali kuchizgika kale; Khristu wakamuchizga iyo para Iyo wakati wamufwira iyo. Kasi imwe mukugomezga icho? Kweni usange Iyo wakayimirirenge pano sono, na . . . penepapo ine ndayimirira, ndipo Iyo mbwenu, wamanyenge kuvumbura kwa iyo, panji kuchita chinyake chakuti chikwezge chipulikano chake muchanya! Sono iyo panyake wanga wa kuti wayimilira apa chifukwa cha suzgo la ndalama. Iyo panyake wangayimilira apa chifukwa cha suzgo la kunyumba. Iyo panyake wanga wa kuti wayimilira apa, wakufwa na kansa. Iyo panyake wanga wa kuti wayimilira apa chifukwa cha TB. Ine nkhumanya yayi. Ine ningamuphalirani yayi imwe.

¹⁰⁶ Ndipo sono usange iwe ukukhumba kuti ujiwike wamwene mu malo ghane, zanga kuno ndipo tora malo ghane, iwe ndiwe wakupokerereka. [M'bale Branham wakupumulira—Munozgi] Nadi. Nesi ine nkhumanya iwe, nesi ine ningamanya kuchita ichi. Kweni Chiuta wa Kuchanya wakumanya. Kasi imwe mukupulikiska sono?

¹⁰⁷ Ndipo usange Khristu wachitenge chinthu chenechira apa, Unenesko wambura kutondeka, ngati ndiumo Iyo wali kuwukira ku wakufwa, ndipo wasimikizgira kuti Iyo ndi Yesu mweneyura uyo wakayowoya ku mwanakazi pa chisime, kasi mbalinga muno wakuti, “Ine ndimupokererenge Iyo sono nthena ngati Muchiriski wane, panji chirichose ine nkhusowerwa?” Kwezga woko lako, yowoya, “Ine ndimupokererenge Iyo usange Iyo wachitenge icho.”

¹⁰⁸ Mwanakazi na mawoko ghake muchanya, ise tindakumanepo. Fumu yipereke ichi, ndiko kuromba kwane. Sono dona wakuwoneka kuti wakufumako kwa ine; usange

gulu lingamanya kughapulika mazgu ghane. Ine nkhuwona munyake wayimilira. Ichi ntcha iyomwene yayi, nthā chomene. Iyo wakurombera munthu munyakeso, ndipo uyo ndi dona muchekuru. Ndi mama wake, ndiyo iyo wakurombera. Uwo mbunenesko. Iyo wali na suzgo la mtima pachoko, kubanika mtima pachoko, nthēura. Iyo wakutondeka kugona usiku. Ndi unenesko yayi uwo? Kwezga woko lako usange uwo ndi unenesko. Ndipo dona uyo nthā wakufuma ku charu ichi. Dona yura wakufumira kutali na kuno. Dona yura wakufuma ku Georgia. Uwo mbunenesko ndendende. Ndipo iwe ukufuma ku Georgia. Ndipo iwe ukukhumba lurombo la jiso lako, naweso. Iwe ukuchita uchiburumutira mu maso ghako. Ndipo uwo mbunenesko. Kasi iwe ukugomezga Chiuta wakuchizgenge iwe? Usange uwo mbunenesko, kwezga muchanya woko lako. Viri makora.

¹⁰⁹ Sono kasi imwe mukugomezga? Sono muŵe na chipulikano mwa Chiuta. Apo ine nkhumurombera iyo, jironbereni mwaŵene kuwaro uko, ndipo gomezgani Chiuta. Iyo wali muno, wakusangika palipose.

Zanga kuno, mlongosi.

¹¹⁰ Muponoski waktumbikika, ine nkhuromba icho, mu Zina la Khristu, kuti Imwe muperekenge ku mwanakazi uyu kukhumba kwake. Mphanyi Nkhongono ya Chiuta Mwenenkhongono yikhale pa iyo, ndipo nkhuromba iyo wachizgike ndipo wapokere icho iyo waromba. Ine nkhuromba thumbiko ili mu Zina la Yesu. Amen.

¹¹¹ Sono rutanga, sekereranga, ndipo kondwanga. Ndipo gomezga, mlongosi, ndipo ukhale makora. Viri makora.

¹¹² Ine nkhumanya makora yayi, kweni ine nkugomezga kuti ine nkhumumanya mwanakazi uyu. Ine nkugomezga iwe ukufuma ku Georgetown, chifukwa ine ndine... Kasi iwe ndiwe wachibale yayi wa M'bale Arganbright? Nkhumanya, sono kuphakazga uku, nkhwachilendo. Iwe ukuwona kuti pali mphambano sono nthena. Para ine nkhuoyoya kwa iwe kumalo kunyake; ichi ntchakulekana sono nthena. Iwe ukupulika kapulikiro kaweme chomene, nthēura. Ndi Mzimu Mutuŵa. Iwe nthā uli kuno chifukwa cha wamwene. Iwe uli kuno chifukwa cha munyake, ndipo uyo ndi msungwana muchoko pafupifupi virimika vinayi panji vinkhonde vyakubabika. Iyo wali na suzgo la ziso, ndipo iyo wakukhala kumpoto kwa Indiana. Uwo mbunenesko. Icho iwe uli nacho mu woko lako, tumizga ichi kwa iyo, ndipo iyo wakhallenge makora. Gomezga na mtima wako wose sono, ndipo pokera icho iwe wanguromba, mu Zina la Khristu.

“Usange iwe ungagomezga, vinthu vyose ndi vyamachitiko!”

113 Apa pali dona uyo ndi mlendo kwa ine. Ine nkhumanya yayi iwe, nindakuwonapo iwe mu umoyo wane. Ise ndise wâlendo kwa yumoza na munyake, virimika vinandi pakatikati; panyake vinandi, tikababika makilomitazi ghanandi pakatikati. Ine nkhumanya yayi iwe, ndiri kukuwonapo yayi iwe. Kweni Yesu Khristu wakukumanya iwe.

114 Chinyake chachitika mu gulu; mwanarumi wawonekera kufupi na ine. Apa iyo wakukhala pasi, nkhanira uku, mumbwera wakupapa. Kasi iwe ukugomezga, bwana? [M'bale wakuti, "Enya."—Munozgi] Ntheura Khristu wakuchizga iwe ndipo wakupanga iwe wamusuma! Amen.

115 Ako ndiko kachitiro ka ichi, kugomezga! Kasi iyo wangukhwaska vichi? Ine nkhamuwonapo yayi mwanarumi; kweni iyo wakachizgikira nkhanira penepapo. Iyo wangukhwaska Fumu Yesu Uyo wali muno. Fumiskako kuwura kugomezga kula pa iwe! Ruwako za ine kuwa William Branham. Laŵiska pa Yesu Khristu, Iyo ndi Mweneuyo wali muno. Ine nkhubechera chipulikano chako, mu Zina la Khristu, kuti uruweko za ine; ndipo gomezga kuti uyu ndi Fumu Yesu muno, ndipo wona icho chichitikenge. Ine nkhipwerera yayi apo iwe uli mu nyumba.

116 Sono apa pali mwanakazi muchoko. Ine ndiri kumuwonapo yayi iyo. Iyo ndi mulara kuruska ine. Iyo, ine nkhumanya yayi kasi iyo ndinjani, uko iyo wakufumira, palije chirichose za iyo. Ine ndine mlendo nkhanira kwa iyo. Kweni Khristu wakumumanya iyo.

117 Usange Iyo wavumburenge kwa ine icho iwe uliri kuno, kasi iwe upokerenge ichi na kugomezga ichi? [Mlongosi wakuti, "Nadi."—Munozgi] Iwe wanguwa na kapulikiro kachilendo maminiti ghachoko ghajumpha, para ine nanguti nayowoya chinyake, wanguchita yayi iwe? Wanguwa munung'una wako uyo wali mu malo gha wakuzweta mitu mu Madison, Indiana. Uwo mbunenesko. Pakuti, mwanakazi munyake wanguyimirira uku, ndipo iwe wanguyimilira kula kulaŵiskanga nkhanira kudera uku. Ndipo mboniwoni, iwe wagomezganga para iwe wafikanga. Uwo mbunenesko ndendende. Icho ndicho changuchita ichi. Ndipo chifukwa icho iwe uliri kuno usiku uwu, ndi chifukwa chakuti iwe uli na suzgo la mtima. Iwe ukaŵa waka na suzgo la mtima. Uwo mbunenesko ndendende. Ndipo ine nkhuwona sono, apo ine nkhuŵiska mu mboniwoni, charu chira cha tumapiri. Iwe ukufuma kumalo kunyake uku mu Southern Indiana. Iwe ukufumira kufupi na Corydon, uko ndiko iwe ukufumira. Rutanga kunyumba, iwe uli makora. Yesu Khristu wakuchizga iwe. Icho ndi WAKUTI MZIMU MUTUWA.

118 Muwe na chipulikano, ndipo gomezgani. Kukayika yayi. Gomezgani waka. Kasi imwe mukukuwona kusangika palipose

kwa Fumu Yesu? Umo kuliri kwakuziziswa! Kasi suzgo ndi vichi?

¹¹⁹ Kudera uku pa kona, ine nkhuwona mboniwoni. Dokotala wakumanya yayi kwali ndi kansa panji TB. Uwo mbunenesko. Kweni usange iwe ugomezgenge ichi, iwe wachira, munthowa yiriyose. Chipulikano chako chakuponoska iwe. Rutanga.

¹²⁰ Apo imwe muli. Kusangika palipose kwa Chiuta wamoyo! Ine nkhubechera chipulikano chako. “Usange iwe unagomezga!” Sono, Iyo wali kuwuka ku wakufwa. Iyo wali muno na ise. Uyo Ndiyo! Ivyo ndi vinthu vyenevira Iyo wakachita para Iyo wakaŵa pano pacharu chapasi. Virimika thu sauzandi vyajumpha, Iyo wachali wamoyo, ndipo Iyo ngwamoyo muyirayira. Gomezgani waka, muŵe na chipulikano.

¹²¹ Ine nkhumanya yayi iwe, dona. Ine ndiri kukuwonapo yayi iwe mu umoyo wane, nkhumanya kalikose yayi za iwe. Uwo mbunenesko, ndi nthaura yayi? Yesu Khristu wakukumanya iwe. Usange Chiuta wavumburenge kwa ine icho iwe uliri kuno, kasi iwe umugomezgenge Iyo, ndipo ukundigomezge ine kuŵa muprofeti Wake? Usange Iyo wachitenge icho, iwe ukumanya Chinyake chandiphakazga. Iwe ukwenera kuti umanye kuti ndi Icho. Sono usange ine nanguti, “Ine ndiŵikenge mawoko ghane pa iwe, chizgika,” iwe mbwenu uŵenge na ufulu kukayika icho. Kweni usange Chiuta wakundiphalira chinyake ine icho iwe ukumanya kuti ndi unenesko, pamanyuma iwe ukumanya kwali uwo ndi unenesko panji yayi. Ndi unenesko uwo? [Mlongosi wakuti, “Uwo mbunenesko.”—Munozgi] Ndi suzgo la chanakazi. Ukapangika oparesoni, ine nkhuwona iwe ukukhira pa thebulo lakupangirapo oparesoni, na chinyake chituŵa chabenekerereka ku maso kwako, kweni iyi yikayenda makora yayi. Uwo mbunenesko. Kweni, devulu yura wakabisama kwa dokotala, kweni uyu wangabisama yayi kwa Chiuta. Rutanga kunyumba, ndipo ukaŵe makora, dona, Yesu Khristu wakuchizga iwe ndipo wakupanga iwe wamusuma.

Usange iwe unagomezga!

¹²² Ine ndine mlendo kwa iwe, dona. Kasi iwe ukugomezga Yesu Khristu, Mwana wa Chiuta, wali muno? Kasi iwe ukugomezga kuti Iyo wakuchizgenge iwe? Matenda gha shuga nkhanthu yayi, kuti Chiuta wachizge. Kasi iwe ukugomezga kuti Iyo wakuchizgenge iwe? Nthaura rutanga kunyumba ndipo pokera machirisko ghako, mu Zina la Yesu Khristu, Mwana wa Chiuta. Amen.

Zanga kuno, dona. Kasi iwe ukugomezga?

¹²³ Sono rekani kughanaghana icho kumanyuma uko! Ntha ndi “kuŵazga malingaliro.” Imwe mungafumapo yayi na ichi sono! Rekani ine ndimuwoneskeni imwe.

¹²⁴ Ine nkhumanya yayi mwanakazi uyu. Ŵika mawoko ghako pa ghane, dona. Usange Chiuta wavumburenge kwa

ine ilo ndi suzgo lako, ine kulaŵiskanga kudera *uku*, iwe ukumanya ine nthā nkhuŵazga malingaliro ghako, usange Chiuta wavumburenge kwa ine ilo ndi suzgo lako, kasi iwe ugomezgenge kuti Yesu Khristu ndi Mwana wa Chiuta, ndipo ine ndine muteweti Wake? Usange iwe uchitenge, kwezga muchanya woko lako. Iwe uli na suzgo la wanakazi, suzgo la udona. Uwo mbunenesko. Iwe ukaŵa nalo; iwe ulije sono. Iwe wachizgika. Rutanga ulendo wako, ndipo sekereranga ndipo kondwera.

¹²⁵ Zanga, bwana. Suzgo lakale lira la ziso, na chinyake chakusuzganga iwe. Kasi iwe ukugomezga Chiuta wakuchizgenge iwe? [M'bale wakuti, "Enya."—Munozgi] Wakuchizgenge iwe ku ichi? Ntheura, mu Zina la Yesu Khristu, pokera machirisko ghako, ndipo rutanga ulendo wako, sekereranga. Amen. Chiuta wakutumbike iwe, m'bale.

Gomezga!

¹²⁶ Kasi iwe uli makora, dona? Kasi iwe ungatekwa yayi kuti urute, ukaryeso chakurya chiweme chomene ngati ndiumo ukachitiranga? Iwe wakhala ukuchita manjenje, ukachitanga yayi iwe? Ghakapangiska vilonda vya m'matumbo kuŵa mu nthumbo yako. Rutanga, jigulire nyama ndipo urye iyi, Yesu Khristu wakuchizga iwe. Iwe rutanga ulendo wako, ukusekerera.

¹²⁷ "Usange iwe unagomezga!" Uŵe na chipulikano mwa Chiuta. Kasi iwe ukugomezga? Wamoyo, Khristu wankhongono zose wali muno sono, kuti wachizge munthu waliyose muno.

¹²⁸ Pachoko waka. Kumanyuma nkhanira kwa mzere, wakhala nkhanira pasi uku, kwakhala mwanarumi wachinyamata. Chipulikano chako ntchikuru kuruska umo iwe ukaghanaghanira kuti ukaŵa nacho, wamwana. Iwe ukaŵa na suzgo la mtima, ukaŵa nalo yayi iwe? Usange uwo mbunenesko, yimirira pa marundi ghako. Yesu Khristu wakakuchizga iwe, wamwana. Iwe wachira. Rutanga ulendo wako, ndipo ukakhale makora.

¹²⁹ Kasi imwe mukumugomezga Iyo? Muŵe na chipulikano mwa Chiuta.

¹³⁰ Apa pali mwanarumi uyo ine nkhumumanya yayi. Ise ndise ŵalendo kwa yumoza na munyake. Ine nkugomezga mwanarumi uyu wangubapatizika mlenji uwu. Kweni ine nkhumumanya yayi iwe, nkhumanya kalikose yayi za iwe. Ndi unenesko uwo? Usange Yesu Khristu wavumburenge kwa ine icho iwe uliri kuno, kasi iwe uzomerege ichi?

¹³¹ Kasi mbalinga mu gulu ŵapokerenge ichi sono nthena? "Usange iwe unagomezga!" Uŵe waka na chipulikano. Kukayika yayi.

¹³² Mwanarumi wali na suzgo la khungu. Uwo mbunenesko. Ndipo ine nkhuwona iwe ukufika...Ili ndi suzgo la matuzi,

naloso. Uwo mbunenesko. Usange ndilo ili, yendeska woko lako. Ndipo ine nkhuwona chinyake chifipa chayimirira pakatikati pa iwe na mwanakazi; ndi muwoli wako. Iwe ukumurombera iyo. Iyo ndi wakwananga, ndipo iwe ukukhumba kuti iyo waŵe Mukhristu. Icho ndi WAKUTI YEHOVA. Uwo mbunenesko. Rutanga, ukaŵike mawoko ghako pa iyo, ndipo ukamurombere iyo, kuti Chiuta Kuchanya wavumbure kuzirwa kwa vinthu ivi kuti ndi vyanadi.

¹³³ Kasi iwe ukugomezga? Kasi iwe ukugomezga kuti Chiuta wachitenge ichi? “Usange iwe ungagomezga!” Ine nkhubechera chipulikano chako. Nkhanira kumanyuma uko, palipose imwe muli, laŵiskani ndipo khalani ŵamoyo! Muŵe na chipulikano mwa Chiuta, palipose imwe muli. “Usange imwe mungagomezga, vinthu vyose ndi vyamachitiko.” Usange imwe mungagomezga! Wonani, laŵiskani kudera uku, rombani.

Imwe mukuti, “Kasi iwe ukulaŵiska vichi, M’bale Branham?”

¹³⁴ Rebekah, zanga kudera uku pachoko, wakutemweka. Yimilira nkhanira apo iwe uli. Apo pali msungwana wane muchoko, uyo dazi linyake wazamkuŵa muprofetikazi, nayoso. Dona yura wayimilira nkhanira apo pafupi na iwe, wakutemweka, wavwara chipewa chituŵa, iyo wakusuzgika na suzgo la misempha. Kwezga woko lako, panji yimirira pa marundi ghako, dona. Iwe ukurumba kuti Chiuta wakucheme, kundipanga ine ndikucheme iwe. Ndi unenesko uwo? Reka msungwana wane muchoko waŵike mawoko ghake pa iwe uko.

O Chiuta Wamuyirayira, mu Zina la Yesu Khristu, ine nkhučenja demone yura uyo wakusuzga mwanakazi yura. Ndipo zomerezgani ichi chifumepo, mu Zina la Khristu. Amen.

¹³⁵ O, litumbikike Zina la Fumu! Nkhuromba Fumu Yesu wajivumbure Iyomwene, nayoso. Kasi imwe mukugomezga Iyo wali muno? Ipo rekani ine ndimuphalireni imwe, waliyose wa imwe, sono nthena, usange imwe mungagomezga ichi, Yesu Khristu wakumuchizgani waliyose wa imwe, sono nthena. Usange mazgu ghane nganeneska *apa*, igho nganeneska *uko*. Usange imwe muchitenge icho ine nkhumuphalirani imwe kuti chitani, imwe mungamanya kuchizgika sono nthena. Kasi imwe mukugomezga ichi? Ntheura ŵikani mawoko ghinu pa yumoza na munyake. Ŵikani waka mawoko ghinu pa yumoza na munyake, mkati panji kuwaro. Kukayika yayi! Ine nangupulika mzimu wakumang’wa makutu ukuruta. Uyu wali apa, Khristu wakuwuskika!

¹³⁶ O Wamuyirayira na Chiuta Wakutumbikika, mu Zina la Fumu Yesu, ine nkhwimikana na mzimu uliwose ukazuzi, mu Zina la Khristu Fumu, kuti uwu ufumepo pa malo agha, kufumamo mu ŵanthu aŵa. Ndipo mphanyi Mzimu Mutuŵa

mukuru sono wabapatize waliyose muno, na chipulikano chikuru chakuti wâgomezge.

¹³⁷ O, Satana, iwe demone, iwe watipusika ise nyengo yitali chomene. Khristu wawuka, Iyo wayimilira apa wali na makiyi gha nyifwa na gehena kulenderanga pa Iyo. Nkhongono ya machirisko yalipirika. Ndipo ise tikukulangura iwe, mu Zina la Yesu Khristu, Mwana wamoyo wa Chiuta, kuti iwe ufumepo pa wanthu aâwa. Fumako kwa iwo, Satana, kuti iwo wârute ndipo wakaâwe makora.

¹³⁸ Usange imwe mukugomezga na mtima winu wose, kuti Yesu Khristu wakamuchizgani imwe, yimilirani pa marundi ghinu, ndipo zomerani Nkhongono Yauzimu yamachirisko ya Chiuta Mwenenkhongono. Ndicho ichi! Rumbani Fumu! Tumbikani Fumu! Imwe ndimwe, waliyose, wakuchizgika. Yimirirani pa marundi ghinu, ndipo perekani marumbo kwa Chiuta! Amen! Litumbikike Zina la Fumu! Tiyeni timurumbe Iyo, apo ise tikukwezga mawoko githu ndipo timurumbe Iyo. Tumbikani Mwana wa Chiuta wamoyo! Amen!



NDIPO MASO GHAWO GHAKAJURIKA
NDIPO IWO WAKAMUMANYA IYO CTK57-0421E
(And Their Eyes Were Opened And They Knew Him)
MNDANDANDA WA CHISISIMUSO CHA ISITARA

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata ya Isitara kumise, Epuleru 21, 1957, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na Voice Of God Recordings.

CHITUMBUKA

©2023 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org